


柳亭詩話

柳亭詩話卷十五

目次



消夏灣

雁蕩

雙魚

漁浦

魚蘊

姑惡

周周

五色鳥

白翎雀

浮石潭

浮山

展江

上林色

桃花馬

懸題草

石橋碑

見心斯道

幽州臺

感遇

挽歌

雙角

琴言

花月

纖巧句

句斷意不斷

七言亦有

弘秀集

讀周易

廳前草

尋藥草

四大奇人

七十四回遊

精神

合離

隱侯

明帝

相公

寫真

驢牽船

金鱗

潭水松風

冰絃彈月

木居士

社公壇

傀儡吟

奎藻

侯城

末代孫

五世孫

三百口

十九年

枕石頭

蓬溪外

女道士

吐綬鳥



柳亭詩話卷十五

山陰宋長自卷

消夏灣

姑蘓消夏灣相傳爲吳王避暑處范致能詩蓼磯楓渚
故離宮一曲清漣九里風縱有暑光無處著青山環水
水浮空高季廸詩涼生白苧水浮空湖上曾開避暑宮
清簾疎簾人去後漁舟占老柳陰風二詩韵脚旣同風
神亦似竟如倡和之作

雁蕩

蔣永公曰雁蕩在萬山中外觀
不見故康樂好遊亦不識此

沈存中記曰雁蕩爲天下奇秀然自古圖籍未嘗言之

柳亭詩話

卷十五

一

謝康樂守永嘉遊歷殆徧獨不言此山至祥符中因造玉清宮伐木取材人始見焉按懷素與律公書雁宕諾矩羅尊者所居在東南大海際山以烏名村以花名是唐人已識之矣呂文靖詩往年遊海嶠上徹最高層雲外疑無路不問忽見僧虎蹲臨澗石猿挂半巖藤何日

孤峯許再登自宋以後其名大著

雙魚

見蜀都碑事

涪州鑑湖上流有石刻雙魚皆三十六鱗一銜萱草一銜蓮花有石秤石斗在旁土人云現則年豐新城王學士過此有詩曰涪陵水落見雙魚北望鄉關萬里餘

十六鱗空自好乘潮不寄一封書學士卽阮亭有漁洋集

漁浦

謝康樂富春渚詩宵濟漁浦渾且及富春郭十道志云
漁浦在蕭山縣西三十里舜漁處也按定山赤亭皆在
江中自宵達旦可至富春潮汐未及故曰迴流丘遲常
建陶翰潘園俱有詩竝無言及舜事者陸務觀絕句云
剡廬處處是新詩漁浦江山天下稀安得移家常在此
隨潮入縣作潮歸當是從嚴陵放舟順流而下也十道
志疑屬附會

魚鮫

松陵詩三洲涼波魚鮫動五耳春草雉媒驕鮫韵書謂
與綿叢之叢同徐廣曰置表標位也疑卽今之魚鮫媒
謂胥雖雉以誘雄者昌谷所云齊人織網如素空張在
野田平碧中網絲漠漠無形影誤爾觸之傷首紅是也
三洲湖名五耳地名隸松江

姑惡

協聖俞有四禽言
燕子啼有五禽言

姑惡鳥名也相傳上世有婦人見虐於其姑結氣而死
化爲此鳥詩人每譜入禽言來元成有句云不改其尊
稱曰姑 字之與名曰惡來氏以春秋魯家書法之妙

卽於此見之

周周

阮步兵詩寒風吹四壁
寒鳥相因依周周尚唧羽
蛩蛩亦念飢周周見韓子
首重而尾屈必唧羽而飲
於河蛩蛩善別甘草而不能
行距蠃能行而不能擇食
乃負蛩蛩以行得食則分
嚼之爾雅名爲歷

五色鳥

禪寄筆談曰成化庚子八月初二日杭人李東崖偕同輩
晨入文廟忽有五色鳥集于明倫堂凡二日乃去李賦詩曰
文彩翩翩世所稀講堂飛止正相宜祇因覽德

來千仞不爲希恩借一枝美爾能知鴻鵠志催人同上
鳳皇池青錢入選尋常事更向天衢作羽儀是歲李以
易經發策甲辰廷試遂魁天下李名旻歷官吏部侍郎
陸贄山金臺紀聞
李于陽與流論劉日

白翎雀

吳立夫聽彈白翎鵲歌云東海來西海去而楊鐵厓則
曰西極來鐵厓小序謂能制猛獸尤善禽鴛鴦而張光
弼則謂生來毛羽弱其曰西河伶人火倪赤能以絲音
代禽臆者卽鐵厓所謂世皇令侍臣製詞而譜入琵琶
者也張思廉又云效坊國手碩德問傳得聞基太平樂

當是火初擅此技而西受其傳也王原吉小序云世莫
聞此曲曰何其末有孤嫠悲怨之音耶又與鐵尾柳林
婦人之說不符虞伯生陸天錫俱有此歌則畢承確而
琵琶之義無聞余嘗登賀蘭山頻見此物諸詩漫稱烏
桓城者近是

雀鵲互用
碩一作石

浮石潭

衢州浮石潭在府治北五里有石高丈餘大漲不沒白
樂天酬張使君詩浮石潭前停五馬望濤樓上得雙魚
張時刺衢也

浮山

浮山在盱眙縣西一百四十里北臨淮水山下有穴去
水丈餘水長卽浮水落如故上有浮空亭東坡詩人言
此地是鼇宮升降隨波與海同共坐船中那得見乾坤
浮水水浮空夏禹使庚辰鎖無支祈以靖水患卽此地
戎幕間談載李公佐開楊衡所說甚詳乃永泰中李陽
事或謂明太祖常保鎮視其形力踰九象又云宋藝祖
事俱未確李聲
國史補無作巫

辰江

公西湖詩止一首
葉石林談常爲二

許昌有西湖相傳曲環作鎮時取土作城因濬爲湖先
莊獻莒公爲守因稍濬之嘗有詩曰綠鴨東陂已可憐
更因雲竇注新泉鑿開魚鳥忘情地展盡江湖極目天

向夕舊灘都浸月遇空新樹便留烟使君真欲稱漁叟
願賜開州不記年其後韓特國作亭水中名曰展江魚
一臨陳白沙嘗書于屈青野軒中固知詩以人重也

上林色

泰州西溪鹽舍卽海陵監也呂文靖官於此手植牡丹
一本有詩曰異香穠艷壓羣葩何事栽培近海涯開向
東風應有恨慙誰移入五侯家范文正公蒞監因題曰
陽和不擇地海角亦逢春憶得上林色相看如故人後
人因二公詩筆續和尤多詳見宋類苑

桃花馬

張玉筍歌天台九曲溪流芳解鞍春水浮
升光俱言天台者意必有實事可據也

名勝志云龍泉縣有白馬墓卽開國勲臣胡公深之墓
花馬也公征陳友定遇害馬馳歸悲嘶而殞因葬之號
白馬墓章溢有詩曰硃砂染瓣色重臺勾引春風上背
來慎勿解鞍橋下浴恐隨流水入天台
詩見馬祖常石田集首句作白

毛紅點巧安排三四句字眼亦異以
元詩而作明人彙書乃仍其誤何耶

懋題草

漢書地理志清河郡有懋
題縣師古註云懋古莎字

懋題草生白帶山在房山縣西南十里亦稱小西天石
經山隋僧靜琬承南岳思大禪師付囑自大業迄貞觀
刻藏經於石沙門智苑續成開元時金仙公主重修葺
之姚恭靖詩有云峩峩石經山通峰吐金碧秀氣鍾懋

題勝槩擬西域竺墳五千卷華言百師譯宛公擢變滅
鐵筆寫蒼石片片青瑤光字字太古色功非一代就用
藉萬人力大哉洪法心吾徒可爲則萬曆間紫栢尊者
復經理其蹟而愍山和尚爲之記

石橋碑

宋文憲前生爲姑蕪半塘寺僧二世刺血
寫華嚴經後以墨筆補完見歸奉世雜記

王梅溪自云前生乃嚴伯威爲族叔之師又有紀夢詩
云石橋未到神先到日裏還同夢裏時僧叫我名劉道

者前身曾寫石橋碑曰嚴曰劉蓋悟夙因兩世矣

世之達官

長者多是歷生淨行中來偶現慧業文人以酬宿願吾
越米文懿幼習制藝于屋後之瑯琊山自署曰圓覺洞
大拜後有峨眉僧來訪云其師曾手書圓覺經一部未
竣事而示寂道命於小瑯琊訪之徧歷名山始知在越
鄭亭詩話

文懿一見欣然爲重書一冊俾持歸蜀而留其原本於宅暇日續完其書法毫無分別喬孫曾並與余善言此蹟平今寶之張方平遊瑯琊山寺續寫楞伽經半部東坡序之刻于浮玉山與文懿同

見心斯道

見心名復元侍郎斯道卽廣孝

明初詩僧二人先宦而後僧者來見心也先僧而後宦者姚斯道也金盤藕台來殊域玉碗醍醐出上方一則嬰逆鱗而委順所謂把髻投衙真賊現在也江水無潮通鐵甕野田有路到金壇一則驚病虎於同儕得切者毛挂劍血濺梵天耶

幽州臺

阮步兵登廣武城嘆曰時無英雄遂使豎子成名眼界

胸襟令人捉摸不定陳拾遺會得此意登幽州臺曰前
不見古人後不見來者念天地之悠悠獨怆然而涕下
似令陳阮邂逅路岐不知是哭是笑太白詩沉酒呼豎
下狂言非至公是
以與劉季為豎子也遺山詩成名豎子知誰謂擬喚狂
江與細論是併欲降準沐猴而量之也劉宗有知要
以待

感遇

從孫門聞是有感遇一詩梓以問

為父子俱沒於官署有一孫葉家為僧詩亦無有傳之
百嘗贈余詩二首結云後先一語一詩朱陸何曾有
異同又曰他年戎馬經臨處試

實先講讀盛蓋漳南講學時也

嗣宗咏懷詩高邁卓犖續漢魏之遺徵杜齊梁之輕靡
至唐初而陳伯玉張子壽倣之作感遇詩陳之奇瀨張

之祿乃當今潘陸顏謝望而却走而李滄溟謂唐無五
言古詩而有其古詩謬矣王適見子昂感遇詩驚曰此
子必爲天下文宗張說與張

挽歌

挽歌者卽左傳虞殯之類譙周法訓曰出於田橫之門
人世所傳者薤露蒿里二曲事物紀原曰李延年始分
之薤露以送貴人蒿里送士庶也薤菜至滑露水勿留
比光陰之迅速也蒿
草滿徑嘉樹不生
喻寒埋之麗雅也

雙角

晉書云橫吹有雙角張騫自西域傳其法於長安惟得

摩訶兜勒一曲李延年因造新聲二十八解惜其曲不

傳延年倡也北方有佳人一曲致動美王之間故當上紹優孟衣鉢下爲東施捧腹傳燈

琴言李新聲琴歌一轉已動物皆靜四坐無言是欲種可爲善琴者不言琴也

屠門高琴引起句曰酒坐俱丹往聽吾琴之所言序云

秦倡也見宮女幼妙寵麗乃暖琴歌之漢無名氏請說

銅鑪器一首其發端曰四坐且莫喧願聽歌一言實祖

其語可見羸秦以前聲歌廣有特以祖龍一炬未盡傳

於世耳西山易水見之史者人皆信之飯牛擁櫬屢廖

不爲之倚音調殊絕何遠謂後人僞托耶漢書黃門名倡有所聲景

武之屬其卽屠門高之流蓋最在梁則曰奔

妓至隋文始罷之自唐以還專隸教坊矣

花月

唐人有春江花月夜一題同時張若虛張子容皆賦之
若虛凡二百五十二言子容僅三十言長短各極其妙
增減一字不得讀此可悟相體裁衣之法
此題初自陳
後王隋煬帝
有絕句二首溫
飛卿亦有長歌

纖巧句

初唐有極纖巧句如盧照隣竹嫵偏宜水花狂不待風
上官昭容石盡裝苔色風收織水紋張曲江簷風落鳥
尾曉葉挂蟲絲張燕公尋山取費齒書石華無鋒使掩
其姓名示人未有不信口雌黃者如王勃鴈風洲晚葉

蟬露泣秋枝。祖咏稻涼初。吠蛤。柳老半書蟲。常窺。墨
冰紋。蘭香銷蠹。字魚。郎土元蟲。絲粘戶。潮風。吹。床塵。
買鳥。螢從枯樹出。蛭入破階藏。杜牧小蓮娃。欲語幽筵。
稚相攜。又莫不羨其精思。冥會著意。臨摹然由前觀之。
尚爲拙速。由後觀之。是曰巧遲。兩兩勘較。以悟其微。始
覺運用之妙。存乎一心之語。古人不我欺也。

句斷意不斷

詩有句斷而意不斷。一氣連綿十字如一字者。庾肩吾
樓上徘徊月牕中。愁思人發。例於此。太白子美集中最
多。而摩詰手腕靈妙。掩有二家如古木無人徑。深山何

處鐘時尚簷前樹遠看原上村之類未易收舉初唐則
如楊師道芳草無行徑空山正落花王勃與君離別意
同是宦遊人繼此則如裴迪入門穿竹逕留客聽山泉
顧況一身千里外百舌五更頭錢起清吟送客後微月
上城初劉長卿古路無行客空山獨見君張籍月色當
廳入鄉心半夜生杜荀鶴漁樵不到處猿鹿自成羣李
中偶尋花外寺獨立水邊樓皆融貫入神毫無朕跡禪
家所謂着鹽水中飲水方知鹽味者惟在觸類旁通焉
耳

七言亦有

七言中亦有此法王杜高岑尚矣外此則如蘇過吳山
一看皆異竹樹叢叢畫不成張謂竹裏登樓人不見
花間瓦路鳥先知盧綸家在夢中何日到春來江上幾
人選皇甫曾曙色漸分雙闕下漏聲遙在百花中劉長
卿細雨濕衣看不見閒花落地聽無聲劉禹錫面帶霜
威辭鳳闕口傳天語到鷄林韓翃落日澄江鳥榜外秋
風疎柳白門前溫庭筠三秋梅雨熱楓葉一棹蓬舟宿
草花許渾溪雲初散日沉閣山雨欲來風滿樓韓偓靜
中樓閣深春雨遠處簾櫳半夜燈不獨上下融化風致
嫣然尤妙在不斤斤作二五句法舉一嚮以該全鼎無

亦為含英咀華之一助乎蕪長公重遊終南詩溪上有
寺驛驛山歸詩小樓一夜聽春雨深巷明朝賣杏花
伯生和馬伯庸詩退朝無想花邊散得句應從竹上題
張仲舉浮山道中詩入境漸聞人語好看山
不服馬行遲無謂宋元人不知此中三昧也

弘秀集

李群弘秀集自云三百年間得詩僧五十二人然寶月

梁人也行路難木柴廊所作梁書謂寶月善音律武帝

嘗勅其作歌以教太樂惠標陳人也有咏山水孤石詩

何得援以入唐

施匪我唐詩韻雅如沈滿願弘執恭之類皆不細考且古律多誤作絕句惜無

人正之

讀周易

烈鶴山詩遠鐘入枕報新晴衾鐵衣後夢不成起傍粉
花讀周易一牕明月四簷聲嘗於先正中陸秋逖齋頭見
無名氏偶書二句夜半梅花深雪裏小牕燈火讀書聲
以爲其境清絕非肉食人所能理會偶誦鶴山詩因并
識之

碧玉樓

白沙爲總督朱英所薦憲宗以古命圭爲聘遂建樓藏之黃泰泉詩百年開道屬斯

人碧玉中藏太古春郎湛若詩碧玉樓前千似雪肯容狂簡禮簪裾

周茂叔嘗訪佛印元於鸞溪聞滿目青山一任看之句
一日忽見牕前草生意勃然乃曰與自家意思一般以
爲早印印肯之三山林兆恩曰朱子謂濂溪拙賦雜以

道家語今卽佛印事觀之則二氏之學亦濂溪所不廢也余按陳白沙臨終詩托仙終被謗托佛乃多修弄艇沿溟月聞歌碧玉樓乃知道學二字埋沒人多少性靈苟非上上根器鮮有不被擔板漢戮者

白沙句似靈源叟昔提闕提語

尋藥草

羅念菴夢中贈道士詩談道人多知道少閒來漫向閒人道見說人生百歲期何事紛紛頭白早永易走兮至難倒倒得永時成至寶紛紛更笑世人癡盡向山中尋藥草卽純陽子却向人間覓秋石意念菴從事良知之學而又透徹元關歿後現身都下復有見之燕齊海上

者非無自也

四大奇人

王晉溪爲本兵與陽明初不識面得其畫像懸之中堂與相對痛飲第靖子曰

三兄如此方爲

天下奇男子

明代三百年四大奇人皆出吾浙劉誠意方正學于忠

肅王新建是也三公之才品學術惟新建足以兼之乃

於趨事赴功之日每懷急流勇退之心一則曰石門遙

鎖陽明鶴應笑山人久不歸再則曰何時却返陽明洞

蘿月松風掃石眠合諸開門原是閉門人之語卽謂公

爲儒爲佛爲仙都無不可而必於俎豆一席橫生訾議

得無類蚍蜉之撼大樹耶

文成卒後門弟子言曰先生之學本于致知而宣之爲文

事發之爲政事在犯顏敢諫爲節義在諫亂討賊爲功
至三百年金人先生一人而已孫奇逢理學宗傳深得

七十四回遊

詳見玉海

洛陽劉伯壽名儿溫叟孫也耆英會中人每登嵩頂回
則於峻極院記其歲月蓋七十四次矣後其孫之靜偕
王輔道至其處追憶前蹟留題壁上云爛紅一點山浮
漚夜坐嵩峰頂上頭笑對松牕談祖德當年七十四回
遊張叟畫墁錄記其遇仙張文潛明道雜志云有道
術一云自號玉華菴王每携萱草芳草兩侍兒乘牛吹
笛行山谷中醉而歸

尔少時嘗與孫通參王石甫三上
看嵩峰夜傍虎穴而卧更欲一登

淵不可繼七十四回安得有如此濟勝之具耶孫名宣
化家姪同榜生令陽曲王名永僕與余爲中表荆詩春

精神

元豐中王岐公餞文潞公歸洛詩有精神如破貝州時
之句用白樂天上裴晉公詩聞說風情筋力健只如初

破蔡州時

合離

馮啟通自陳疏富貴易爲善貧賤難爲工
此兩表堂表之憤大有不能已於言也

曹顏遠詩富貴他人合貧賤親戚離按晉書殷浩傳引
愼子家富則疎族聚家貧則兄弟離攄蓋用其語也又
蘇秦傳貧窮則父母不予富貴則親戚畏懼近有人反
其語曰富貴則父母不予貧窮則親戚畏懼可爲世道

人心一慨

渭南詩寒士邀同學單門與議婚信陽詩身經貴賤知交態事到安危憶古人俱妙

隱侯

文太青隱客像贊有日月不以斧修益白日不以海浴增紅夫如是斯謂之真隱

河南志盧元明侯山記云漢有王元隱於此山景帝再徵不屈就其山封侯因以爲名宋之間詩王元拜隱侯指此王介甫草堂懷古周顒宅作阿蘭若妻約身歸窳堵坡他日隱侯身亦老爲尋陳迹到烟蘿世人以爲沈休文誤矣

明府

漢制藏錢之所天子曰少府諸侯曰私府

漢書王生謂龔遂曰明府且止願有所白齊書沈麟士謂張永曰明府德履冲素留心山谷則明府二字乃稱

太守之詞自唐人用入詩題并入詩句相沿稱縣令矣
其於縣尉或稱少府如李供奉贈瑕丘王少府杜工部
贈華陽李少府之類然少府在漢自屬官禁近臣而邵
二泉謂卽今之典史亦踵唐人之誤也

明詩有稱縣令
爲使君者尤非

相公

羽獵賦相公乃乘輕軒駕四駱相公二字肇見於此王
象從軍行相公征關右赫怒震天威指曹公也

寫真

顏上三毫乃
寫真神品

拙貌曰寫真又曰寫照又曰寫生俗所謂傳神肖像也
顏氏家訓曰武烈太子偏能寫真梁簡文咏美人看畫

詩可憐俱是謫誰能辨寫真老杜天育驃騎歌故獨
真傳世人見之座右久更新是人物俱可言寫真也

驢牽船

前望同舟遠不分打頭風急御河渾寒驢無力牽船纜
行到楊村日已昏此馬虛中舟次楊村作也驢牽船正
與犬牽驢相類宋正獻公本至治集有驢牽船賦虛中
名臻有霞外集

金澣

毒字有作青
字者尤非

金澣地名也在交趾水經注所謂金澣清渚也張文昌
詩銅柱南邊毒草春行人幾日到金澣刻本訛作麟

潭水松風

岳忠武題湖南龍居寺詩

永寒生月松風夜帶秋宛

是唐人佳句不止緊峭動人

又題池州翠光亭日輕陰弄晴日秀色隱空山皆作

家語

冰絃彈月

有客泊湘妃廟夜半偶見幽衛入廟中置酒鼓瑟迫明

隱隱絕水浮空去因入廟日題詩墨未乾云碧杜紅薔

縹緲香冰絃彈月弄新涼慘澹向曉渾相似九處堪疑

九斷腸此係許彥周所傳今謂英皇未必肯作唐詞或

是水仙之流也

木居士

衡州耒陽縣鰲口寺有木居士遠近祈禱無虛日韓昌黎作詩譏之所謂偶然喚作木居士便有無窮求福人後因禱雨不驗縣令怒焚之蘓東坡聞而喜曰世間有此明眼人乎其後村民復刻像以祀張芸叟謫郴州題詩於壁曰波穿木透木無奇初見潮州刺史詩當日老翁終不免後來居士欲奚爲山中雷雨誰宜主水底蛟龍自不知若使天年俱自遂如今已復有孫枝

牛王姓冉伯喈

司業張翥祀爲大王壘
但杜十姨祀五相公耶

社公壇

吳康齋嘗畜一雞爲狸奴所陷戲以詩告社神曰茅廬
深隱白雲間養得黃雞作鳳看野有狐狸來咬去家無
良犬爲追還甜林樹下毛猶濕苦竹林中血未乾欲寫
青詞申上帝先將詩告社公壇不知此雞與吾家處宗
所畜何似而聘君悼之如是

傀儡吟

唐書段綸微巧匠楊思齊造
傀儡太宗怒其淫巧削綸階

刻木牽絲作老翁雞皮鶴髮與真同須臾弄罷渾無事
還似人生一夢中此明皇傀儡吟也當是南內後作回
思大寶風流真是一彈指頃宋人遊春黃胖諸詩那能

如此蘊藉

傀儡一作窟窿子
云梁鍾詩凝誤

奎藻

宋徽宗既北狩有御筆畫扇出睿思殿高宗每把玩流涕一日有大璫竊出示康與之與之給璫入內取果核遂泚筆題一絕于上曰玉輦遊事已空尚餘奎藻繪春風年年花鳥無窮恨盡在蒼

夕照中璫出見之大

懼而康已醉無可如何明日攜入內廷伺間叩頭請死

高宗亟取視之一慟而已

北肥

之慘若越人視秦人之乃享尊養之報於遐

齡豈果射潮兒後身耶

吾是以有感于阜陵

侯城

仁宗嘗語廷臣曰

方正學之殉難也詔令籍其

家魏澤自刑部尚書謫

爲寧海尉乃匿其幼子以故方氏有遺育後過其故居
有詩弔之曰筍輿衝雨過侯城撫景追思感慨生黃鳥
向人空百轉清猿墮淚只三聲山中自可全高節天下
難居是盛名却憶令威千載後重歸華表不勝情正學
欲行三代之法于建文遂致靖難之禍山中自全豈讀
周禮講衍義者所肯出乎然謂其盛名難居則良藥也
魏字彥思溧水人

讀彭惠安臨江記及陶子昌吳王渾歌草除一事瞭如指掌已

末代孫

趙忠定汝愚既去國太學生敖陶孫作詩曰左手旋乾
右轉坤羣兇相煽動流言狠胡無地歸姬旦魚腹終天

痛屈原一死固知公所欠孤忠賴有史長存九原若遇
韓忠獻休說渠家末代孫侂冑聞之編管嶺南陶孫字
器之

五世孫

司馬夢求爲沙市監鎮至元十二年殉江陵之難劉麟
瑞昭忠詩曰下官名姓君知否涑水先生五世孫魏公
溫公同爲宋室純臣兩朝顧命清忠粹德其品請爲何
如者而子孫判若薰蕕若此何哉元兵入闕執建寧朱
汝欲降之日豈有縣
翁孫而失節者遂自殺南軒之孫張唐起兵復湘潭諸
縣及敗被執口若降何面目見魏公於地下遂遇害止
二公者方不愧
勾謂一生道學

三百口

僞吳讓皇溥既禪位於徐知誥遷居鍾山渡江賦詩口
江南江北舊家鄉三十年來夢一場吳苑宮幃全冷落
廣陵臺榭亦荒涼烟凝楚岫愁千點雨滴吳江淚萬行
兄弟四人三百口不堪回首細思量史稱溥諸子姓約
近十歲徐氏必賜冠帶誥勅即日斃之嗟乎何慘酷至
此吳太子璉以知誥女爲妃既篡位以女爲
永興公主女聞呼輒悲感不勝未幾死
十九年閩人知有牧羊詩而不知有城
眉篇以窮達論人未免皮相

福唐林春元七歲能詩有人以牧羊試之者卽吟曰三
百羣中步獨先有時高叫白雲天曾從北海風霜裏伴

過蘓卿十九年後舉於鄉更名章字初文謝在杭十歲題牧羊圖上

林飛雁來何晚空牧羝

年十九年尤有風味

枕石頭

楓溪陳老蓮洪綬當鼎革之際與姜綺季廷翰朱仲軼曾蠡遁跡湖上嘗書先大人扇頭曰世事悠悠枕石頭頭陀不上暴書樓且從積稿閒抽擷倘見春秋大復讐老蓮以畫擅名自號悔遲蕭山來西老呂禱其婦弟也從之學畫而變其習與余訂交於金臺因地震牆壓死無後

遊天外

李于鱗答許殿卿詩彭澤妻孥相對老淮南賓客自言尊尊子有據但不管屬之賓

容許名邦才爲周
漢長史有梁園集

淮南王雜見於漢武故事及神仙傳蓋好文而尚異者
也樂府舞曲云淮南王自言尊又曰少年窮窈何能賢
揚聲悲歌音絕天又曰繁舞寄聲無不恭徘徊桑梓遊
天外此卽誤稱寡人罰守都厠雞鳴天上大吹雲中之
樂也

馮猶龍曰漢法深峻而武帝好神仙賓客托言
入公同昇之事以疑帝而息禍耳此言良是

女道士

薛天錫咏吳山女道士詩不見遼東丁令威舊遊城郭
昔人非鏡中春去青鸞老華表山空白鶴歸石竹淚乾
斑雨在玉簫聲斷綵雲飛洞門花落無人掃獨坐蒼苔

補道衣序畧云浙民丁姓者棄族爲全真忽召其妻入
山付詩四句云嬾散六十三妙用無人識順逆兩俱忘
虛空鎮長寂抱膝而逝其妻遂束髮簪冠爲道士不下
山者二十年因賦此贈之

丁號野鶴其妻姓王名
守真有祠在紫陽山

吐綬鳥

庭院春陰護薄寒山禽飛下玉闌干胸中錦繡無人識
同向東風自吐看右見鄭允端肅離集可爲借題寫意
恐湮沒而無聞之証

允端字正淑宋丞相安晚五世孫
適平江施伯仁卒於臣正丙辰年

三十族人私謚曰貞懿
武林錢惟善序其集

柳亭詩話卷十五終

柳亭詩話卷十六

目次

古歌

木蘭歌

盧女

三郎

四目

史記典論

泗州塔

琵琶

蒲字琵琶字

司字

而字

長萬丈

酒債

望闕亭

漳浦驛

悲樂

露兄

南宮

腰帶

細腰

月隨人

螢苑

將軍引

翠微亭

銀瓶娘子詞

蓑衣仙

難絨口

槌楚

鳴鑄

書學

樹雜

界字

女牆

文衡

明月泉

持山去

尊石公

東園柳

文獻祠

黨碑

清地金

口爲碑

雄帶箭

蒼巖草

華嚴洞

第一人

古北口

對奕

復官

重使西域

朝鮮倡和

買妾行

白頭翁

白犢

柳亭詩話卷十六

山陰宋長白纂

古歌

皇娥白帝歌許由箕山歌虞舜卿雲歌夏禹禹王牒辭皆以七言成文古與天成大似出土法物即使後人擬作決非漢以後語至若飯牛歌履霜操則又聲情俱到非身歷其境者不能也

木蘭歌

趙氏夫人渡江歌文雖出於趙氏似非西京以後人語

七言長篇斷推木蘭歌爲第一相其音調非齊梁以後人能辦卽鮑明遠亦當類首或以朔氣傳金柝寒光照

鐵衣數語疑出於唐殆未見六朝文集者也樂天長恨歌微之連昌辭鄭嵎津陽門詩鋪序非不勻稱然大段有痕跡可尋難云天衣無縫矣稱其君曰可汗志其地也或云隋人煬帝過之而死贈孝烈將軍此小說之最淺陋者而宋氏葉書猶載之何耶文苑英華謂韋元甫作魏泰謂曹子建作俱謬

盧女

樂志魏武帝宮人有盧女者故將軍應叔之姊也七歲入漢宮學鼓琴善爲新聲王右丞楊駙馬秋夜詩對坐彈盧女同看舞鳳皇張子容除夜逢孟浩然詩妙山逢盧女高才得孟嘉皆本此若盧家少婦燕金香則屬石

拆妓十六生男字阿侯者也

三郎

東坡開天遺事詩三郎官爵如泥土爭唱公農得寶歌
川劉朝霞賦俳文於明皇事所謂遮莫你古來五帝怎
如我今代三郎明皇兄弟六人其一早亡寧薛二王兄
也中岐二王弟也朔方老將指哥舒翰八姨則號國夫
人

四目撫火流鈴詳見
道藏內經神咒

杜牧之詩老翁四目牙爪利擲火萬里精神高上旬川
大蓬峴蒼舌綠齒四目老翁語而刊本誤以目爲目下

句則周度人經擲火苞里流鈴八衝之語東坡芙蓉城
詩仙風鏘然韵流鈴本此眉山張遠霄過東墮老翁以竹弓一鐵彈一質錢三百于後有人謂曰四日老翁君之師也遂遊青城山得道仙去蘇老泉有張遠霄贊

史記典論

老杜瘦馬行此豈有意仍騰驤用史記鄒衍傳此豈有
意阿世苟合而已哉諸葛一首伯仲之間見伊呂指揮
若定失蕭曹上句用典論傅毅與班固伯仲之間耳下
句用陳平傳誠能去兩短集兩長天下指揮則定矣庾
子山有曰胸中無學猶手中無錢欲爲詩者斷須自博
學始

泗州塔

詩得須臾興且喜南風阻去船然有意味

東坡泗州塔詩耕田欲雨刈欲晴去得順風來者怨語
氣全用劉夢得同施於陸其時在潯伊種之喜乃種之
凡同舟於江其時在風沿者之吉泝者之凶李德遠東
西船行祖其意而擴充之似不如輯蘓之一語包盡也

琵琶

千寶搜神記作葉婆郭忠恕佩觿曰麒麟琵琶之字才子從常而入聲則麒麟字亦可凡用

秦再思記異錄溫州朱使君有一妓善胡琴忽亡追悼
之有詩曰冤飛寥廓魄歸天只在人間十八年昨日施
僧裙帶上斷腸猶繫琵琶絃琵琶字作仄聲王百穀青琴

詩引之

此詩見韋莊集云悼楊氏妓

柳亭詩話

卷十六

三

天苗閣

蒲字琵琶字

白香山詩裴令公詩羌管吹楊柳燕姬酌蒲桃銀含顰
落盞金屑琵琶槽蒲字從仄琵琶字亦然又有酒餘送盞
熊蓮子燭淚堆盤壘蒲桃深山老去惜年華况對東溪
野枇杷之句

唐宣宗甲樂天詩侍兒能唱琵琶篇則指薄陽一曲

司字

司馬司字作仄聲老杜殊錫曾爲大司馬總戎皆攝侍
中貂武黃門惟有白鬚張司馬不言名利尚相從白樂
天四十着緋軍司馬男兒官職未蹉跎亦止于夏官用
之餘司罕見

東坡詩集以蒲闕爲闕蒲青紫爲紫青蒼蒲蒲字作仄花紫紫字作平音皆遊戲

成文不
可爲訓

而字

歐陽廬陵送張如晦知提任以贈然消魂惟別而已爲
韵坐客七人介甫字美聖俞平甫明允姚子張焦伯康
也老蘓得而字抑談詩免乎而介甫復作而字二詩其
一采鯨抗波濤風作鱗之而用考工記旄人深其爪由
其目作其鱗之而注謂頰頰也其一春風垂虹亭一杯
湖上持傲兀何賓客兩忘我與而亦歷落有致而或謂
欲與老泉爭勝似未必然

長蘆丈

布衣詩曰安得萬里裘蓋襄
周四垠并不計丈與城矣

梁人詩百姓多寒誰可救一身雖煖亦何情安得大裘
長萬丈一時都蓋洛陽城用老杜茅屋爲秋風所拔語
覺此宗作六合被遠遜二公度量

酒債

卜參詩愛客多酒債又云家貧酒債多胡垵蒼梧雜記
云孫權有叔名濟嗜酒不治產業嘗負人酒錢謂人曰
尋常行處欠人酒債欲質此纁袍償之或云老杜酒債
尋常行處有出此按垵嘗筆削陳東伏闕書爲嘗事所
忌編置遠州則此事必非無稽之談然他書俱未之見
太白贈劉都使詩歸家酒債多門客餐成行高
談詩四庫一日領千陰後人誤指爲凡北齊作

望闕亭

公既出守韓文公十篇詩集卷之四

文與昌黎並稱曰韓宗而汰柳州

李衛公在珠岷郡有望闕亭公題詩曰倚上江亭望帝京
鳥飛猶是半年程碧山也恐難歸去百匝千遭繞郡城
徘徊可傷不必八百孤寒齊下淚也

漳浦驛

衛公起家任子功業炳然歿後能示夢于令孤約故是一代偉人也與感雷陽之竹

者後先顏頤矣宋人謂趙忠定是其後身

衛公又有過漳浦驛詩嵩少心期杳莫攀好山聊復一
開顏明朝便是南荒路更上層樓望故關較諸感恩知
有地不上望京樓之句厚薄爲何如耶

悲樂

韓退之多悲詩三百六十言哭泣者三十首白樂天多
樂詩二千八百言飲酒者九百首見方勺泊宅編余謂
史部骨髓性成凡其所悲蓋深惡夫既不自悲而又禁
人之悲者也分司天趣悠然卽其所樂於詩酒琴棋之
外憂生歎老去國離家之慘無處無之許渾千首水村
清一身愁亦各從其志也

露兄

米元章詩飯白雲留子茶甘露有兄人不解露兄語往
叩之元章曰只是甘露哥哥耳雲子見王母內傳少陵

有便抄雲子白之句下句故是老顏本色語也

南宮

周書立政篇庶常吉士乃總統衆職之言而今專傳館選日庶常亦相沿爲故事也

漢建尚書省曰南宮鄭弘爲尚書令前後所陳補益王政者著之南宮閣上以爲故事陳忠亦然是南宮不專指禮部也至唐以禮部郎中掌省中文翰謂之南宮舍人後人遂以南宮屬之禮部矣老杜別唐十五詩南宮吾故人白馬金盤陀謂賈至也至時以禮侍知東京貢舉故云下句則用賈逵事以切其姓

腰帶

胡惠連詩衣詩腰帶準疇昔不知今是非王元禮行路

難云猶憶去時腰大小不知今日身短長謝語懇至王
語激昂唐人割情懷遠總不越其神理

細腰

王僧孺寵姬怨曰是妾愁成瘦非君重細腰爲姬人自
傷日斷絃猶可續心去最難留皆真情實境語本傳謂
其文多麗逸喜用新事如此種句麗逸不無然何嘗用
新事耶

月隨人

朱超舟中望月詩大江濶千里孤舟無四鄰惟餘故樓
月遠近必隨人截去後四句方有神氣否則舉體拖沓

突詆詠在試院賦終南餘雪僅
四句有司誥之詠曰已盡

螢苑

廣陵大儀鄉有螢苑按隋煬帝於景華宮求流螢數斛
夜出遊山放之如火光滿巖谷杜牧之詩秋風放螢苑
春草闌雞臺上句拈此下句借用吳王夫差事張蛻菴
螢苑曲曰騎行不用燒紅燭萬點飛螢照山谷又曰腐
草無情却有情年年爲照雷塘墓好景紅輝之識阿麼
早已自道却也

車武子吹以蠟書螢諸傳爲勝蹟丁崖
州野之裏中竟其財賄並籍丹鳥遭際

何其
異也

將軍引

貞順勸伯玉勿爲寨主又嘗與伯玉自繫
於獄亂兵以爲罪囚而縱之壽至一百二

十五
歲

俞指揮良輔南征入粵誅諸寨之未附者潮陽郭氏名
真順從其夫周伯玉依溪頭寨俞兵將臨真順製長歌
曰將軍引令伯玉上之俞覽詩大喜歛兵而回一寨獲
全詩曰將軍開國之勲臣早附鳳翼攀龍鱗烟雲慘淡
蔽九野半夜捧出扶桑輪前年領兵下南粵眼底羣雄
盡流血馬蹄帶得淮河冰灑向江南作晴雪潮陽僻在
南海濱十載不斷干戈塵客星移處萬里外天子亦念
遠方民將軍高名邁千古五千健兒猛如虎輕裘緩帶
踏地來不減襄陽晉羊祜此時特奉明主恩金印斗大

龜龍紋大開藩衛制方商期以忠義酬高長宜威布德
民大悅把菜一笠誰敢奪黃犢春耕萬里雲鰲龍夜卧
千溪月去歲壺陽戍時下車愛民如愛兒壺山蒼蒼
壺水碧父老至今歌咏之飲爲將軍紀勲績天家自有
麒麟筆願屬壺民頌太平磨崖勒盡韓山石余嘗輯形
史嫩一書有勇畧文藻二部若真順者殆所謂二美具
者耶同時三衛宋氏題常德驛壁詩太祖見而卽
之婦人作長篇者僅此二人皆不朽大筆也

翠微亭

岳鄂王將兵過池州登翠微亭有詩曰經年塵土滿征
衣特地尋芳上翠微好水好山看未足馬蹄催趁月明

歸韓鄆王既解兵柄建翠微亭於湖上蓋傷忠武而愿

遇其意也

讀其希言剪頭仙人傳則

銀瓶娘子詞

劉瑞孝娥井銘有曰娥叫父
究竟莫雪赴井抱瓶泉化血

王逢吉序銀瓶娘子詞曰娘子宋岳鄂王女聞王被收

負銀瓶投井死祠今在浙西憲司之左詩中有云井臨

交衢下通海海枯衢遷井不改銀瓶同沈意有在萬歲

千秋露神采來元成引金陀粹編辨銀瓶事詳見樵書

第九卷然逢吉去宋不遠其說自當有據

裴衣仙

戊辰春與吳聽翁茅天石寓守
中堂嘗偕余庶霞往尋其跡

張光弼咏何立事結句曰視身已是閒軀殼一領裴衣

也是多謫畧云立爲判衙官受秦檜指往東南第一山
恍若見檜令歸告其妻曰東窓事犯矣立復命後棄官
學道蛻骨在蕪州元妙觀人呼爲褰衣仙按檜嘗夢游
雁蕩悟前世爲老僧而誤國殃民竟至於此泥犁之報
豈千佛所能懺哉

歸奉世雜記作夢衣真人何
中立與虛陵集所載不同

雄緘口

鄭俠字介夫初從王安石學後舉進士監東京西上門
時王方秉政以詩致之曰何處難緘口熙寧政失中四
方三面戰十室九家空見佞眸如水聞忠耳似聾君門
深溝里焉得此言通使雛郎能於此詩致警又何必繪

流民歸也

安州時號大慶居士還鄉後更號一

政也列在詩

以較其孫而卒

插楚

唐書代宗命劉晏考所部官五品以上効治六品以下杖貳奏聞

唐時參軍簿尉皆以士流任之故有戎幕十年而歷樞

要登節帥者有自縣倖而入爲給事御史者其職綦重

而其品最早小有過悞不免笞朴之及殆與府史胥徒

同類杜少陵贈高適曰脫身簿尉中始與捶楚辭韓昌

黎贈張工曹曰判司卑官不堪說未免捶楚塵埃間杜

紫微寄小姪阿宜曰參軍與縣尉塵土驚動勦一語不

中治蠅翁身滿瘡語曰刑不上大夫則自此以降繁可

知已而或者謂職在錄囚日與拊械相習非身受之也然嚴武杖殺章彝則留後刺史亦在鞭笞之下彼區區小吏庸足計乎

鳴鏑

宋書荅稽王以
龍箭射蕭道成

鳴鏑曰鏑俗所謂響箭也亦作骹魏百官志云拜二公賜鞬尾骹箭十二枚亦作骹元稹江邊詩破竹箭鳴骹

皮日休言懷詩鶻下撲金骹李白遊獵篇雙鶴逆落連

飛骹柳如京題較獵圖鳴骹直上三千尺皆互用廣韵

作骹字隸入聲四覺部按周禮輸人云其一以爲散圍
註云人歷近足細于股者徐廣

日喻車輻

之精也

畫學

政和中建設畫學以古今詩句命題其一烟鎖橋邊賣
酒家善畫者惟於橋邊竹外懸一酒帘而已其一踏花
歸去馬蹄香於馬後畫數蝴蝶其一萬綠叢中紅一點
於密樹濃陰之內有半面美人凭樓遠眺此皆得其神
趣者也曹松題霍山曰直是畫工
須箇筆况無名畫可流傳

樹雜

梁元帝巫山詩曰樹雜山如畫林暗澗浮空李君實曰
山之精彩浮動全在於樹樹雜則穿插掩映有幽深層
沓之趣元帝善畫二語已破山水之的柳符制買曰善

畫如攻詩意到即奇警范思白作秋林圖自題其上曰
兮若遠行登山臨水送將歸無一語及秋而難狀之景
都在言外章蘇州落葉滿空山王右丞渡頭餘落日差
足嗣

界字

徐凝詩一條界破青山色用孫綽天台山賦瀑布飛流
而界道張繼南征賦界飛流於臯薄凝嘗以此句與張
祐爭能而東坡極詆之以太白在上頭也

女牆

左傳襄公六年晏弱圍萊堰之環城於堞註云堞女牆
也釋名曰言其卑小比之於城如女子之於丈夫也廣

雅曰睥睨也劉文房詩女牆猶在夜烏啼劉夢得詩夜深猶過女牆來多言夜景者以城樓掩蔽落照易昏云耳

文衡

王仁裕
事畧同

裴師爲禮部尚書放三榜四人拜相桑維翰竇正固張
礪馬裔孫也清泰二年裔孫知貢舉榜發引諸生詣座
主拜謁裴以詩示曰宦途最重是文衡天與愚夫著盛
名三主禮闈年八十門生門下見門生此實一時之盛
較諸文章舊價別爲掖桃李新陰在鯉庭差遜於楊嗣
復之具慶耳

明月泉 伯玉名源歐陽公玉介甫共薦曾子固者治平間知越州事唐時有一張操宗玄通

翠玉嘗題其畫壁即元覽禪師所謂無事於世壁者卑宏當問所受客日外師造化中得心源

張伯玉嘗過姑熟見李太白十咏歎美久之周行泉石

間見一水清激詢士人口此何名以明月泉對張曰太

白不題此泉應留以待我也遂賦詩有曰至今千丈松

猶伴數岩雪不見纖塵飛寒泉照明月按清溪有半月

泉蘇長公曾題絕句至今石刻猶存而端公遺句姑熟

無有知之者 蘇子瞻謂姑熟十咏不類李白王平甫曰李赤詩也赤見柳子厚集後為洞鬼所惑

死而

持山去

有人夜半持山去頓覺浮嵐映翠空試問安排華屋處
何如零落亂雲中能回趙璧人安在已入南柯夢不通
賴有霜鐘難席卷繫船來聽響玲瓏此詩起甚奇兀通
體亦極穩貼非信口亂道者詳見宋文鑑註云湖口李
正臣南與石九峰因示東坡作九峰詩後石爲好事者
持去崇寧元年山谷繫舟於此正臣來訪出前詩追和
其韵

按坡公原題曰壺中九華欲以百金買之與仇池石爲偶

題石公

唐鄭瑤於嶺南象江得怪石紺冰而平理

皇奇章何以過之東坡因王晉卿欲奪仇池石往復三詩卒至心無一物可謂玩物而不爲物移者矣

未仲詔以百夫運房山奇石至良鄉不能前衛以垣牆

覆以葭旻薛千仞間之代石作書以報仲韶以書答之
葛震甫作長歌紀其事末云主人好禮尊石公神物將
豈甘半籠不如就此樹高閣居處常對飛來峯老顛袍
笏之後餘韻猶有存者惜不令楊次公見之耳震甫名
一龍庚奎章有賦閣堂前石并代石客各五律乃知此公被半籠者不獨唐之牛李宋之蘇米也

東園柳

天台宋氏本素封之家後中落鬻其廬於隣價既成作
詩曰自歎年來刺骨貧吾廬今已屬西鄰殷勤說與東
園柳他日相逢是路人其鄰見詩卽還券并以值界之
此鄰不減蘇長公惜逸其名氏也

文獻祠

張曲江爲有唐一代人物立朝大節在首識祿山之姦
明皇僅以風度稱之末已少陵八哀詩亦未盡其底蘊
區海日謁文獻祠有曰一代孤忠在千秋大雅存詩才
惟正始相業憶開元曝日陳金鑑蒙塵想劍門更吟羽
歸賦搖奪不堪論此詩穩而確勝於張承吉讀始興公

傳區名大相高明人
萬曆間官中允

黨碑

安民乞免書名碑上珠玉坊工人
李使寧痛念黨碑人心尚在也

林靈素以海上青牛聳動人主及見元祐黨碑乃稽首
微宗怪而問之對曰碑上姓名皆天上星宿臣敢不稽

首嘗有詩曰蘇黃不作文章客童蔡翻爲社稷臣三十
年來無定論不知姦黨是何人又嘗上疏曰蔡京鬼之
首童貫國之賊遂封鎖前後賜物私山園四而去林之
強直如此不得以方士少之

滿地金

景文公曰人不可以無學要得數百
卷書在胸中則不爲人所輕誚矣

王介甫題殘菊詩黃昏風雨打園林殘菊飄零滿地金
歐陽公見之戲曰秋花不比春花落憑仗詩人仔細吟

介甫聞而笑曰歐九不學之故也不見楚詞曰夕餐秋

菊之落英乎

蔣永公曰可借歐九極有文章此劉貢父
訕廬陵語然歐公卽不讀書斷無不讀楚

詞之理蓋菊不
宜落而落屈子
正自狀其放廢
半山君

臣魚水而以落
英自况故歐公
以不比比花諷
之也

口爲碑

正德中流寇犯河北攻裕州山陰郁采爲州同登陴誓死左右曰有母在采曰曾是偷生以爲孝乎以母托其友壯士僞會州守開門遁賊乘勝入采巷戰被執罵賊死賊據裕二旬始退士僞於亂屍中辨其骸而殮之哭以詩曰身後春秋有是非路人爭以口爲碑重於岱嶽捐軀日怒若雷霆罵賊時那忍范滂猶有母可憐伯道竟無兒皇天我墮隄陽淚半月荒城未裹屍高陵呂柟爲撰墓志并賦裕州哀七章其末曰結交結君子生死皆可訓要知鄭亮之似看莊士僞亮之采字也詳郡志

雉帶箭

韓退之從張僕射獵徐州賦雉帶箭曰原頭火燒靜兀
兀野雉畏鷹出復沒將軍欲以巧伏人盤馬彎弓惜不
發蔣楚羣曰出復一作伏欲按雉出復沒而射者不肯
輕發正是形容持滿命中之巧改作伏欲神采索然矣
伏字亦不宜重爾雅雉五色雉曰翬杜預曰雉有五種
東曰鵠西曰鵠南曰翟北曰鵠伊洛之
間曰翬翬宗廟曰雉飛如矢一往而墮故字從
矢幸時珍曰尚書謂之華蟲曲禮謂之疏趾

若巖草

次兒晨歸自嶺南檢其篋得蒼巖草一帙知爲紫園高
比部新咏挑燈細讀輒歎中州清淑之氣繚繞于楚江

越嶠間也琴川趙子於弁言摘其警句曰篇首高懷天
地濶古道性情真直自寫照如雨消江岸暑帆挂曉雲
秋愁人秋雨急遊子晚風寒開裘金盡詩盈篋說劍星
寒酒滿斟以之送別情何固耶若官閒容問字情至樂
銜盃但看心如水何妨月滿船至故園頻問訊深夜每
忘眠骨肉知無恙桑麻賴有年謁比干墓荒丘萬古寒
雲鎖深殿千秋夜月明輓沈太守無端造次西風起泰
岳先頽第一峰雋句不異唐人然無非倫敦不涉閒情
艷語豈非性情中流出乎書此以誌風雅正宗并爲矯
枉與詭隨者戒

華嚴洞

粵西靈川縣華嚴洞去縣二十里相傳有桃花片濶寸許自洞中流出石壁上有詩二首嚴前流水無人渡洞口碧桃花正開東望蓬萊三萬里等閒歸去等閒來跨鶴歸來不計年洞中流水綠依然紫簫吹徹無人見萬里西風月滿天不著年代名姓要是高人遺蹟也

第一人

唐有二李揆其一相德宗者中外稱為第一人盧杞擠之出使吐蕃其主問曰爾國有第一人李揆者得無是卿耶揆懼留倉皇應曰彼第一人豈肯來耶大蘇送子

山使吳升詩單于若問君家世莫道中朝第一人正用其事

古北口

見塞北小鈔

古北口僧寺刻蘓文定道中詩曰亂山環合疑無路小徑縈迴長傍溪彷彿夢中尋蜀道興州東谷鳳州西按宋史元祐間轍嘗代其兄軾爲翰林學士尋權吏部尚書使契丹館客者侍讀學士王師儒能誦軾文及轍佚詩賦外國重才如此至梅宛陵春雪詩絳錦以售番舶而中原人士反擠之又下石焉者何也

對奕

下牛山與人對奕未嘗致思勢將敗聊以手亂其局有

詩曰莫將戲事惱真情且可隨緣道我輩何手能忘情
於得失者乃又有詩曰諱輪寧斷頭悔誤仍批頰則執
拘之性不自覺其盡露矣至題謝公墩詩并爭名字於
千載以上豈獨受氣太剛一端而已耶

復官

成化時李文達奪情起復羅太史一峯疏諍謫去蓋
學士陳文之諧也及文死山陰薛御史綱投以詩曰九
原若遇南陽李爲道羅倫已復官李又死在陳之前也
萬曆丁丑十月朔彗星見西南光共亘天時江陵聞外
艮方四日有奪情起復之議吳縉修中行趙檢討用賢
上疏直諫下詔獄而刑曹艾員外穆沈主事思孝復以
疏許俱升杖論戍鄒進士元標復上疏諍亦杖戍有爲
疏許俱升杖論戍鄒進士元標復上疏諍亦杖戍有爲

重使西域

朝鮮倡和

成化中張寧以禮垣奉使朝鮮與陪臣朴元亨偕和百
韻寧詩有溪流殘白春前雪柳折新黃夜半風之句朴

問筆曰不能和矣

婦有方洲集其侍妾寒香晚翠皆死守節四十年不下樓詳本傳

買妾行

湯廷尉沐有買妾行日東鄰買妾費萬錢西鄰亦不減
十千半爲身衣置羅綺半爲首飾收花釧歸來粧束若
晉沐夜夜歡聲徹華屋自言龍虎得同登管取鸞央不
孤宿張姑李姑日來往費酒烹羔會親黨不知荆布糟
糠人欲寄采衣正補紉自註云丙辰釋褐後鄉里同年
多有訥妄者因作數行以發謹厚者一笑湯字沂樂弘治進士有論
薛文清公紀事如一稱其定詰定識非餘人可及其家孫世賢潛心風雅九工入法王弼洲所南湯湖州也

白頭翁

弘治中有老儒貢授校官爲少年所侮翰林中相知者
題白頭翁畫贈之系以詩曰幽谷多年滯羽翰泮林今
借一枝安世人莫笑頭空白看盡春花雨後殘魏文靖
海忠介
皆起家黌校而卒爲一代名臣人固不可以遲暮論也
善乎諸熊之對周文王曰捕虎逐麋臣老矣使坐而策
國事尚少也時年已九十而文王師之
彼白面書生烏足較輕重於其間哉

白犢

李太白田園言懷詩賈誼三年謫班超萬里侯何如率
白犢飲水對清流白犢用列子宋人好行仁義之事與
樂翁失馬相同清流則許由事